

տնտեսական այլ դրդապատճառների հետևանքով քրդական բնակավայրերի աշխարհագրությունը բավականաչափ փոխվեց: Եթե արաբական արշավանքների արշավույթին (VII դ. 30-ական թվականներ) արաբ հեղինակները քրդերին հիշատակում են գլխավորապես իրանական նահանգներում՝ Զիրալում, Ֆարսում, Խուզիստանում, Ատրպատականում և Մոսուլի մարզում, ապա X դ. սկսած՝ նաև բազմաթիվ այլ շրջաններում: Որքան մեղ հայտնի է, ալ-Մասուդին (X դ.) միակ հեղինակն է, որն իր երկերում ներկայացրել է քրդական ցեղերի անուններն ու բնակության վայրերը: Ուշ շրջանի հեղինակների հաղորդումներից պարզվում է, որ նրա ցուցակները մեղ հասել են կրճատ խմբագրությամբ և ոչ իբրև նա տվել է երեք հարյուր ցեղանուններ<sup>7</sup>: Նույնիսկ, եթե ալ-Մասուդիի հիշած բոլոր ցեղանունները մեղ չեն հասել, նրա երկերում եղած նյութերը որոշակի պատկերացում են տալիս X դ. քրդերի տեղաբաշխման վերաբերյալ: Ալ-Մասուդիի վկայակոչումների համաձայն քրդերը տարածված էին հետևյալ շրջաններում՝ Քերման, Սաջիստան (Միստան), Խոռասան, Իսֆահան, Զիրալ, Նեհավանդ, Դինավար, Համադան, Շահ-րիզուր, Գադարադ, Սամաղան, Բաբ ալ-Աբուար (Գարբանդ), Զազիրա, Ասորիք (Շամ), Սուզուր և այլն<sup>8</sup>: Այդ տարածքներում նա հիշատակում է հետևյալ քրդական ցեղերին. «ալ-Բադինջան, ալ-Շուհջան, ալ-Շադինջան (կամ ալ-Շադանջան), ան-Նաշավիրա, ալ-Բուզիքան, ալ-Լուրիյա, ալ-Զուրկան, ալ-Ջավանիյա, ալ-Բարիսյան (կամ մալ-Բարսյան, ալ-Բարիսան), ալ-Ջալալիյա, ալ-Մուսթաբան, ալ-Ջաբարիկա (ալ-Ջաբարկիյա), ալ-Ջուրդան, ալ-Քիբան (ալ-Կիկան), ալ-Մաջուրդան, ալ-Հադբանիյա և ուրիշներ»<sup>9</sup>: Ալ-Մասուդիի հաղորդումների համաձայն, ալ-Շուհջան ցեղը բնակվում էր Դինավարի, Նեհավանդի և Համադանի շրջաններում, իսկ ալ-Մաջուրդանը՝ Կանգավարում (Քանթավար), որը Զիրալի նահանգի գավառներից էր՝ Համադանի և Քերմանշահի միջև ընկած շրջանում: Ալ-Շուրաս<sup>10</sup>, ալ-Շադինջան (կամ ալ-Շադանջան), ալ-Լուրիյա, ալ-Մադանջան, ալ-Մազդանաքան, ալ-Բարիսան, ալ-Ջալալիյա, ալ-Ջաբարկիյա, ալ-Ջավանիյա, ալ-Մուսթաբան ցեղերը բնակվում էին Զիրալում: Ըստ ալ-Մասուդիի, ադ-Դաբաբիլա ցեղը հաստատվել էր Ասորիքում, իսկ ալ-Ցակուբիյա և ալ-Զուրկան ցեղերը՝ Մոսուլի շրջանում<sup>11</sup>: Յավոք, մեղ հասած վկայությունները հստակ չեն ընդգծում այդ տարածքներում քրդական ցեղերի բնակության սահմանները: Հայտնի է, որ արաբական արշավանքների արշավույթին սկզբնաղբյուրները քրդերին հիշատակում են Ադիաբենեում և հարակից տարածքներում, որտեղ մատնանշվում է քրդական ամրությունների առկայությունը<sup>12</sup>: Այստեղ բնակվող քրդական ցեղերը, որոնց անունները մեղ հայտնի են ավելի ուշ շրջանից, տարածված էին հիմնականում Տիգրիսի արևելյան և արևմտյան ափերին՝ Մեծ և Փոքր Զաբերի հովիտներում:

<sup>7</sup> Ed - Dimichqui, Nukhbat ad-Dahr fi A'dschâib al-Barr wal-Bahr, pub. par A. Mehren, Leipzig, 1923, p. 255.

<sup>8</sup> Al-Masûdi, Kitab at-Tanbih wal-schraf, — Bibliotheca Geographorum Arabicorum - (այսուհետև՝ BGA), ed. M. J. De Goese, Lugduni Batavorum Apud E. T. Brill, 1894, p. 89.

<sup>9</sup> Նույն տեղում, էջ 88—89:

<sup>10</sup> Ալ-Շուրասը ցեղանուն չէ. այն մահմեդական խարիջի աղանդի անվան հոմանիշն է:

<sup>11</sup> المسعودی ' مروج الذهب ومعادن الجوهر ' ج . ٢ ' بيروت ' ص ٢٥١ .

<sup>12</sup> البلاذري ' كتاب فتوح البلدان ' القاهرة ' ١٩٠١ ' ص ٣٣٩ ...